

榮縣志卷十六

輿地志

表坊

書云表厥宅里樹之風聲此表坊所由昉也榮自唐宋以來人文輩出其閒如文豪文英等坊俱已久廢倘於現在者不急登之安知表表者不剝蝕於風雨乎志表坊

忠孝賢烈坊

為兵部侍郎胡子昭立

進士坊都諫坊

二坊為曹邁立

文光射斗坊

為陳所達劉一惇立

榮縣志

卷十六

輿地志表坊

黃門坊

為刑科右給事中楊鎔立

父子地官坊

為戶部主事簡勅父子立

欽賞坊

為金滄道童世彥立

瑤池冰雪坊

為曹氏立以上八坊現存

柱史藩參里第坊

為成化閒御史劉文參議伍性立

解元五桂坊

為甲子科解元胡信周郁丁鐸鄭臧熊彌立

憲節五賢坊

為御史趙本宋洵張彥忠劉文僉事胡志遠立

禹門躍浪坊

為進士聶籽劉文吳道宏伍性曹邁何顯淑立

月窟騰香坊

為舉人黃鰲楊易所鳳毛趙可慶伍多慶陳所敬立

大廷尉坊

為大理寺卿吳道宏立

一鶚坊為戶部員外郎曹山立

文豪坊為知建水州楊桂丹立

文傑坊為知歸州劉景爵立

文英坊為伍性立

冲霄坊為白漢立

亞魁坊為楊燾楊鎔祖孫立

躍龍門坊為邱嶽立

高步雲衢坊為韓超立

旌義坊為義官劉昌澄立

進士坊三為吳道宏伍性劉文立

榮縣志

卷十六 輿地志 表坊

二

世科坊二為劉漢劉存誠父子李莊李桂開祖孫立

旌節坊三為白氏沈氏劉氏立以上二十一坊俱廢

兩世冰操坊為邱國元妻羅氏邱恩誠妻鄒氏建

一門雙節坊為蔣昌明妻唐氏蔣昌應妻陸氏建

吳王氏節孝坊在棋盤山

許氏百歲坊在大灘

謝氏節孝坊在謝家院子

吳王氏節孝坊在觀音砦內為捐布政司經歷吳鶴齡之母立

節壽無雙坊為胡國賢妻鄒氏立道光丙午年建邑西八十里近劉家場

楊龔氏百歲坊近程家場

節孝總坊 近 聖廟

雙節碑 為貢生邱思賢妻羅氏
邱榮歧妻羅氏 姑媳建

雙孝碑 為孝子李國璜趙氏夫婦建並同里
節孝二十餘名臚列其上在李家場後 旌表